



路史國名紀

卷已

松坡圖書館藏

宋廬陵羅

泌纂

男 莘註

明廣陵喬可傳校

古國

饒

嵬姓今深州有饒河齊大夫采邑

趙孝城拔之呂封弟長安君

攘

嵬姓宜卽穰穰侯國

秦封魏冉

今鄧之穰縣

利

嵬姓潛夫云嵬姓饒利一作利

雲陽

二今茶陵西南十里有雲陽山少昊亦居之又在甘

泉亦曰雲陽山在馮翊雲陽縣今隸耀非丹徒

蜀 今成都見楊子雲蜀紀等然蜀山氏女乃在茂詳後妃后國

蠶 蠶叢氏國今彭之導江有蠶厓而漢之蠶陵縣在翼之翼水縣西有蠶陵山

瞿 今雙流縣南十八里有瞿上城益之西南二十縣北有瞿上鄉

導江 魚鳧治今眉之彭山縣北東二里有魚鳧津南北八郡志云犍為有魚鳧津廣數百步

郫 杜宇治
犍 犍章

婁 石樓也開山圖云石樓山在琅邪昔有巢氏

治此在城陽縣東北有婁鄉是然去琅邪遠矣今隰有隨石樓縣隨本曰土京東南六十

有石樓山水經注蒲水出石樓下是也
庸城 許所遷定四年楚城今岳之華容

雄之容成皆改增土天寶復舊

陽武

栢 栢皇後黃帝臣栢高春秋之栢子國楚滅之

今蔡之西平有栢亭 寰宇九城云古栢國

大庭 魯地昭五年傳有大庭氏之庫輿地廣記云

在仙源今隸宛

東里 東里子諸侯也 栗陸 夏后臣有東里槐

祝宗 祝融氏後

祝丘 祝融氏後祝丘氏今沂之臨沂東南五十有

卽丘城春秋之祝丘也 柏五年城祝丘鄭

彌 在益部詳紀中

朱襄 九域志云南京柘城古朱襄氏之邑

右上古帝王之世

子曰道千乘之國敬事而信節用而愛人使民以時學之爲王者事其此已矣千乘

諸侯之謂也而其所謂道道此而已敬者所以重事也信者所以立政也節用所以富國愛人所以固本而使民以時者所以興財也五者治天下之常經而聖人之所

以道有國者 惟有國者從而 道之則君安而國家

可保矣是故道之以敬而民莫不承聽道之以信而民莫不承任道之以節用而財不匱道之以愛人而民不失于义使之以

時則穀不可勝食財不可勝用而道之之道畢矣 經曰在上不驕高而不危制節

謹度滿而不溢高而不危所以長守富也
滿而不溢所以長守貴也富貴不離其身
然後能保其社稷而和其民人蓋諸侯之
孝也夫不驕則敬事矣謹度則信行矣制
節則謹用而不溢則愛民矣和其民人則
又時使之矣固諸侯之事也故曰古之亡
國皆以無道記曰國家未道此禫人所以
道國之政事者也上失其道則其散亦久
矣而顧可國乎詩云迨天之未陰雨徹彼
桑土綢繆牖戶今此下民或敢侮予孔子

曰爲此詩者其知道乎能治其國家誰敢
侮之乃若夫子之得邦家所謂立之斯立
道之斯行固不外乎此也夫夫子顧未始
得邦家也而曰得邦家者上之所以道其
君而下之所以道其民者固所以行之天
下而得邦家也湯於亳文王之於岐因此
道爾故以亳之政道之天下則商之王矣
以岐之政道之天下則周之王矣夫子之
得邦家特亦不過推中都之政道之天下
而已矣吾固曰敬事而信節用而愛人使

民以時此治天下之常經而聖人所以道
有國者也故曰泉有源治有本道者審本
而已徐幹中論齊一變至於魯魯一變至於道
豈惟千乘之國哉

三皇之世

宛 卽鬱鬱華國

金 金提國帝堯世有金道華種蘭唐韻云周附

庸金州也金氏出此唐新羅金姓漢金日磾因祠金人為姓非也

紀 紀侗國後有紀后為虞帝師

陽 陽侯伏羲臣許慎云陵陽國侯也國近江今

宣之涇縣有陵陽山

蹇 蹇修國後有蹇氏蹇氏秦有蹇叔姓書云因邑又有蹇氏姓解音

愆四者太昊臣

共工 地在弘農虞帝時共工或云居此

赤 赤奮赤松炎帝諸侯後有赤氏赤民高陽師

邾 邾天國邾州巨鹿郡

巫 巫咸國故巫縣今夔之巫山漢巫咸隋曰巫山淮南

子云巫咸在軒丘北經在女丑北今巫咸山
在陝之夏縣

屏

屏封屏醫國

白

白阜國六者炎帝臣

胡

炎陵廟胡真官者同遷侍臣也按媯歸後皆有胡然按世本胡曹作衣當不在五帝後攷工妘胡之笥云胡子國在楚

補

炎帝伐補遂史伯云鄔蔽丹是也姓苑有補氏通典作輔遂非

遂

炎帝伐之呂春秋易之遂城古遂武也媯姬皆有遂

質沙

帝魁所伐世本之夙沙也後有夙氏夙沙氏

宿沙氏

齊夙沙衛鼓子相夙沙釐

吳

炎臣吳權黃帝母吳樞國紂時亦有吳伯今陝之平陸有吳山

廣壽

廣成

仙傳云廣成居空同今汝之梁縣西南四十有空同山廣成城廣成澤廣成子廟宣和守林時奏其事立觀其澤漢安以賜貧民有

廣氏

風俗通

刁

音彫道書多作刁 仁廟編陰陽書猶有刁牧地戶開曆世盡作力白虎通云黃帝師力

牧晁錯云帝得力牧而為五帝先姓書後有力氏未究

伍 件也伍胥黃帝臣見玄女兵法今慈之件城

鄧 黃臣鄧伯温魯地隱十年齊魯盟處與南陽

子姓鄧二

甯 杜云汲郡修武今衛之獲嘉有甯城故修武

也詩外傳武王伐紂勒兵於甯改曰修武魏土地記大甯城西

二十里有小甯城今在懷戎

容成 侯國漢縣隸涿本屬易今隸雄州燕之西境

徐廬國也漢匈奴降王封有容氏姓纂容成氏仙傳容成

公

恒 恒先國常也一作常先衛康叔孫封之世本云後

有常氏恒氏老師常從楚有恒思公宜為恒

山亦作常

鷓 鷓治黃帝臣乃俠也漢俠侯國有俠氏

闕 闕紀黃帝臣

方 方回國帝堯時有方明

習 風俗通云習國名傳有少習哀四年預云商洛

武關按此晉禦楚之塞在商洛東南九十今

永興軍漢有習響陳相

離

涓子黃帝師臣

岐 卽岐豐至商文王爲岐侯詳高辛後國

靄 靄伯國漢有靄侯屬東海

鬼 容區國商有鬼侯卽九侯今漳浦有鬼侯山

亦曰九侯山俗云山魁之居圖經又謂少康九子之居皆妄

霍丘 後漢朱瑒九江壽春記金明城西南百二十

有黃帝時霍丘城楚莊廢爲戍寰宇記廢霍丘在霍丘

庸 庸光侯國詳商世侯國

奢 奢比國

車 車區國

泠 泠倫國衛之泠邑近魯作泠非

冕 宛也宛侯卽冕侯宛胸是今曹之宛句云古宛澗

須句之間

俞 郇也俞跗國今大名夏津西南五十有郇故

城後魏漢清河之郇縣田蚡邑音輸德州平原西南 呂佗

爲俞侯國有俞氏喻氏漢有俞達勅救切

盧 俞跗或作盧跗今鄆之陽穀有故盧城齊地

久廢後扁鵲居之

桐 仙傳桐君世族譜云楚東小國文二二年桐叛楚地名九域

各史 國名紀

志云小國楚附庸今舒之桐城圖經云春秋時桐國蓋桐邑也漢之樅陽昭五十一吳西南有桐亭廬州舒城

榮

榮援國周之采地或云榮鄭地宣十二乃榮陽榮澤然閱

二年戰榮澤衛地也

橋

姓辨書云黃帝子孫守橋山者或云喬非

沮

沮誦音菹黃帝史後有沮氏

共

茄

黃帝荆茄豐玄中記楚地昔楚城州屈以復茄

人城丘皇以遷訾者使熊相謀郭巢季然齋卷子太叔聞之曰楚王

將死矣使民不安其土云云昭二十五記音加張楫以為荷

雒

郡國志許州雒城黃帝雒又為杵白處或作

羅非

於

於則作履者今鄧之內鄉東七里有於村荆州

副與商近所謂商於說者以商於為一國失

之裴云商於在順陽南鄉丹水二縣有商城在於中所謂商於劉氏云商於二國相去

二百里傳言商於析酈四邑近南陽有於氏袁紹傳有於授

左

左徹後有左氏今聞喜漢之左邑

有北

帝戮蚩尤遷其民善者于鄒屠惡者于有北

詩云投畀有北惡可知矣

右三皇時候伯之國

萬盈數也易之比曰先王以建萬國堯協萬邦以其號數之多也而塗山之會贊玉帛且萬數則古嘗萬國矣粵自黃帝畫埜分疆方割萬里得百里之國萬區而劉恕遽擿其非謂百里者萬非方十萬里有不能容是殆尺分之也

尺以一寸為十寸

直國界之分

直依枰罽枰罽之勢百里者萬特方一萬里爾是故方十里者為方一里者百方百

里者為方十里者百方千里者為方百里

者百方百里者為方千里者百方百里者

萬矣

枰一十九路方為三百六十一路

雖然虞夏之前四

正疆理東止郎邪之海西積石之河五千而縮南至衡山北泊單于府五千而羸使皆封建百里之國惟堪二千五百縱并遼東勃海長城外盡契丹高句驪積石塞黑水靺鞨流沙之地亦不能五千國况古百里當今百二十一里六十步烏得所謂萬區百里國哉蓋古嘗有萬國之制而非皆

百里也故呂覽言神農封建彌近彌大彌遠彌小海上乃有十里之邦以大運小要如臂使指者而孔子亦曰安見方六七十里五六十年而非邦者是衰周時列國雖足強大猶有不五十者然則古之萬國從可知矣執玉者不皆百里則執帛者安能皆五十哉伯七十里則百里可二子男五十則百里可四矣孟子曰海內之地方千里者九古之天下方三千里正矣五千里者古今衰盛山川萊藪之通數也周世九服

號七千里而職方藩畿爲方萬里斯亦未記之敝王畿所止亦曷嘗千里哉宗周八百成周六百此以百同袞計言之故子思曰天子封畿千里公侯百里伯七十里子男五十里虞夏商周之常制也畿門域也非所謂王圻者也周官班固蓋因玄鳥之詩而失之不知玄鳥所云正以謂門畿內而其所謂千里者特徑度三十一里半而強爾公侯之畿徑度十里伯畿八里半而弱子男七里而強又奚以宗周八八成周

六六而合於百里者百哉田九州之分如此古者

九州特亦以槩率者王制之言四海之內

斷長補短方三千里此概率約也五服之

制王城之外甸侯綏服面千五百已盡九

州三千里地要荒二服綴九州外其數然

也而况九州面距不齊自恒山距南河東

河抵西河為各千里此則圻內甸服所建

然自東河至東海西河至流沙南河至江

亦各千里南西二方侯綏所建外為要荒

可矣而東距海要荒已無容繫北距恒山

已接邊陲雖侯綏有不得而立惟南自江

至于衡山更越千里則要荒二服亦并在

九州內而自衡山南盡楊域且復千里未

汔南海悉為荒外南為太羸北為太胸則

知先王之制必有圓法豈至說者之拘哉

九州之界濟河淮岱相去不能千里荆河

千里而羸海岱千里而縮荆山衡陽二千

而遙東海西河二千而近而壽春之淮潮

陽之海相去五六千里龍門之河屯蝗之

黑相距且四千里華陽黑水窮數千里猶

未知其所終荆河淮濟之間斷長補短不

能淮海一州之半則周之西都今之關中

知所制各有當矣而東都則洛陽也二都地踞南山之陰北

山之陽東西長南北短短長相補猶不能以千里今古不變而禮王畿四方相距為方千里遠郊近郊甸地稍地小都大都率相距為百里豈千里之方所能容哉固知畿服諸說有匪圓通上世必有除補相乘之道為疆理之定制者

方隋盛時東南並海西且未北五原東西九千三百南北萬四千八百一十五唐文皇時東極洋海西抵焉耆九千五百一十南盡林州北延陀萬六千九百一十八茲亦人迹逐畝所計而步畿之法取之虛空鳥道揆以日景而參之乎圭表其於人迹迂直大約三而去三萬五千之折正亦五千而已王制之言惟其大約也

五帝之世

玄都

少昊時諸侯外傳云玄都氏黎國或謂重黎

非也周書云昔玄都氏謀臣不用龜策是從

忠臣無祿神巫用國而亡

洪芻志都夫人按風俗通出古山者

玄都氏避聖祖諱為元氏都氏

涑 高陽師涑國或作涑圖今湘東澧陵有涑水
或作濞非

鱣 鱣先國宜為澶古之得姓俱自其封國而命
其以字者蓋匙蹇修鳩治之類亦必其封國
也

爽鳩 齊地昭二十今之青州季荊繼之晏子之說杜云虞

夏諸侯有爽氏姓爽鳩氏姓

且鳩 後有且氏

祝融 儉是今鄭州有祝融冢與祝融氏異

咸 高辛臣咸黑官是咸陽有咸水

柞 柞卜邑

展 展上公帝嚳時得道者

陰 唐虞時國商世陰君長生之祖故長生詩云

惟予之先佐命唐虞周有陰忌今濠之定遠

有陰陵城項羽失道處管叔後采於陰則今

襄之穀城東北有陰城是故鄆地師古云古音國又有

下陰在陰城之西陰後遷此左今化光乾德

漢陰縣隨陰城春秋時道柏巢呂申息房應胡陰桐與楚比者

務 一作瞽帝堯時務成商有務光諸侯也後有

務氏 一作牟或云卽牟見後

庚 帝堯時侯國春秋時有庚子皮皮子過邑於

維氏為庚氏

庚公差姓書以為帝堯時掌庚大夫之後

爻 戕國齊地一曰冒澤即朱故亦作朱戕有

爻氏

朱 朱虎國號之朱陽

嚴 許繇之友嚴僖按樗里子傳嚴君之封在嚴

道

樊 帝堯時有樊仲文今武昌有樊山

放 放齊後有放氏

被 齧缺師被衣被陽也今淄之高苑西南八十

步有漢被陽侯國故城音皮

齧 春秋時有齧桑衛地

狐 狐攻定六年狐人周地

僖十六有狐厨今晉治臨汾西北有狐谷

亭

繇余

鴻蒙

育唐 帝堯夏桀皆嘗伐之南陽章陵之上唐鄉也

班固云古國括地象唐鄉故地在隨州

西夏 今鄂故大夏有夏水漢水也

漢水之曲為夏口今屬漢陽江

夏記沈尹射奔命于夏納者

周書云西夏仁而去兵城郭

不修武士無位堯伐亡之

叢 帝堯欲伐叢枝胥敖四國也或云兩國

枝 春秋傳戎伐楚侵訾枝訾枝楚地

胥 胥臣胥氏之先一作須舊春秋圖有滑與檜

接在號密之間

敖 滎澤西有敖山有敖倉城

在滎澤西十五舜秦置在敖山下

曰夫三子者是宗膾為三胥敖為一也

宗 帝堯欲伐宗膾者按韓一曰宗昔文十二年

子孔執宗子遂圍巢則在廬江預云宗巢二

國羣舒之屬

膾 當即會會人鄆也在河南密縣

微

道 齊桓之伯江黃道柏附之四國皆弦姻劭云

安陽縣道國也

杜云汝南安陽西有道亭

楚靈遷之今蔡

之確山西南有道故城後有道氏

楚有道朔

闕 三國皆帝堯時

婁 九江壽春記金明城西南百二十有雩婁城

堯之婁子城也寰宇記雩婁城在霍丘

臨 帝舜時有臨侯望博

見春秋運斗樞

注臨侯國氏今

趙之臨城漢故縣

雄陶或為熊夏有熊髡

東不訛國或作陳非南南郡夏禹西西西縣

和仲宅西北有北東固為東國也

秦不宇魯地臺于秦者在濮之苑北莊三十一

云東平范縣東有秦亭九域志云西北今隸鄆

紀虞帝師紀后一作冀后

蒲長垣東北十里有蒲城詳有虞後國春秋有蒲侯

氏莒地襄三十三

單善帝舜師單卷今鄆城有單父城即善卷也傳

堯師善卷或吳之善道也襄五年今野台阮勝之南徐記春秋時善道地

歸夔之封一曰夔杜甫所謂夔子國者後有憑

氏詳高陽後國

胡歸姓世本左傳皆云胡子國歸姓歸姓夔出

有歸姓王符云歸姓胡有何有子也有九委

音故本一作洧宛地今開封扶溝有洧水有

曲洧城

何歸姓虞帝末何侯得道於九疑今道之寧遠

廣濟鄉有何亭墟然伯陵同何女緣婦則何

姓黃帝時已見若僧伽何國人則非此泗州僧伽

傳云僧伽何國人世謂不知為何國人按西域有何國見隋書

謹 濟之乘丘有謹亭或云謹兜國今濟治鉅野
齊人歸謹預云濟北蚘丘西有下謹亭說文
作鄩

中容 山海經中容之國舜之所生或云卽諸馮穆
天子傳有容氏國或是

右五帝時侯伯國其有先代後者見逐姓
下

泌嘗謂古之法皆可行於今學者得無笑
之封建民兵井田肉刑豈惟可行於古固
可行之今非惟可行之今亦可行於後惟
通變而已矣易曰通其變使民不倦通變
天下無敝法矣惟古與今同此之天均此
之地又等生乎此人日月八百率十里爲
湯沐於王城何得此八千里况以商三千
率三十里於泰山之傍乎商之三千使率
依男爲附庸三猶應附九千國况以夏萬
國率九率十於侯伯之邦乎是備湯沐者
固有數而無附之國滔滔是也町原防井
衍沃則衍沃者以井而原防固以町是井

田不可概施高屏之區矣。教防風流共工則宜。教者戮宜流者流。是肉刑不得專用於三五之時矣。是故外諸侯嗣有所不必。嗣內諸侯祿有所謂。嗣先聖之法要必如是而後可以行之。萬世而無敝專用者固無時可時而措之。何時而不可。可井而井可町而町。何馱乎。今田之井可流而流可戮而戮。何患乎。今刑之肉而益削之法堯舜之道。蓋亦設法而時措之者。天下之大萬國之多。惡者何勝。削而善亦何勝。益

哉。諸侯之疆有定域也。今日之益曰取之間田。明日之益地於何。取東西有間田。南北當益地將越數百千里而取之乎。抑乞之其鄰乎。徒取諸彼以與此。然且仁者不爲。今日削十數。明日削數十。果先王之意邪。吾固曰此先王之法。設而時措之者也。且湯伯也。文王伯也。湯以七十里而文王以百里自稷契始也。自契至湯自稷至於文王如是久矣。非無賢德也。而地不加舊。是則無益地也。然則禮記白虎之義其亦

繆而不足徵歟錫之山川土田附庸錫魯公也錫山土田于周受命錫召虎也無益地哉蓋昔先王三歲而一修封必其俊異之功殊偉之德乃於千百輩中陟其尤者一二而稍益之故善者以勸必其敗羣之愆違命之最乃於千百輩中絀其一二尤者而稍削之故不善以沮時而措之是所謂益削也魯公召虎見之歌頌惟其希闊而不可易得也 乘馬之法凡立國都非於大山之下則必廣川之上高無近旱而水用足下無近水而溝防省因天之材就地之利是故城郭不必用規矩道路不必中繩準又孰有城畿國服開方引直而可為者益削之法豈一概之施哉

已卷二

夏世侯伯

西王 夏后師西王憫

童 童律一作僮即鄆也故下邳鄆縣後有童僮

鄆氏姓纂出老童非

狂 夏后臣章律狂章按經有狂水逕綸氏城在

今陽城有狂氏宋大夫 狂校

繇余 錢 記作田

晁氏 今弘農有地名晁一作郟

盧氏 今之盧氏縣有盧氏山

章商氏

犁婁氏

鴻蒙氏 右五神夏后所囚者

烏 烏陀陶臣或云烏陀猶鴻蒙又烏木田太

康地志梁國烏縣今穀孰西南二十烏城

郭 郭哀夏后御博之聊城有郭水出東南郭

商有郭崇子 三一經云商人彭真人弟 子以嘗煞人不得真人

范 今幽之范陽漢縣有故城在易東南有范

水

扶登 扶登氏典樂之臣

豎 豎亥國或作堅亥

杜 鳳翔普潤漢杜陽地有杜水

既 七大夫杜子墨既子黥

孟 孟涂國隱十一年向盟即孟今河南孟津

偃 偃師西三十一里穆傳至于孟氏近河南

涂 涂後封今建平郡有丹陽城括地象云丹

陽故國歸州巴東縣也

鄂西五里甘亭水經在甘水之東啟扈戰其野

屈北屈

隰之吉鄉北二十一里有古屈城北屈也

晉二屈

驚 夏后伐屈驚呂覽云啓

曹 潛夫論曹有姜姓者

魏 夏后攻曹魏呂覽亦以為啓詹伯曰祖自

夏以稷魏駘為吾西土盟會圖云嬴姓非魏姓

西河 后啓征之見紀年

有洛 洛也

上洛 商周上洛郡治上洛晉地紀年晉烈公三

年楚人伐我南鄙至于上洛漢屬弘農唐

洛州

胤 侯爵風俗通云夏諸侯國今利之胤山乾

德三年平蜀天寶元曰胤山出舞衣今川綿

有胤氏嗣氏鄧氏云國諱改

粗 羿邑襄四澶之衛南縣東十五有故粗城一

曰外里襄十一年城粗者邑界宋魯

窮 有窮拜邑楚地今壽之失豐有窮谷窮水
 即窮石故記皆謂刪丹蓋以淮南子弱出
 窮石窮石山在刪丹今在張掖似太遼隔
 楚人救潛沈尹戍與吳師遇于窮潛今之
 舒與寒過皆相邇因夏民代夏政則此為
 近故得及夔子也說文作窳

寒 浞國邑樂史云伯明氏所立本國世本云
 邳姓今濰之北海東二十三有寒亭杜云
 在平

過 壽東今
 壽光界 非晉塞晉地五
 塞氏 夏之國即有過括地象云猗姓國今萊之

掖西北二十有過鄉過亭地道記北
 有過城 有過

戈仍 氏 別見

鬲 有鬲氏夏諸侯近鬲津後有鬲氏姓書膠
 鬲後妄 今德之安德西北有故鬲城即有鬲世族
 譜有

鬲與有鬲
 為二非 漢之鬲縣應氏以為偃姓皐後
 酈氏以為有窮后國俱非

武武羅 世本云夏武羅國冀都之武邑一云衛北
 境武父陳雷有葦父城

厖 厖圍國莒邑有大厖宜出厖降

猗 河東猗氏縣南二十有猗氏故城魯人因陶朱興富於猗氏因曰猗頓

棲 猗姓

疏 猗姓潛夫論棲疏猗姓

女 女艾國汝也商有女鳩今之臨汝一云晉

之汝濱本陸渾地晉取之集韻如音如僞

東海 后杼征東海伐王壽

王壽 宜是平壽衛之下邑在濰州西南三十里

有易 經云王亥託于有易河伯僕牛有易煞女

王亥取僕牛竹書云殷王子亥賓于有易

淫焉有易之君綿臣殺而施之是故殷上

甲微假師于河伯伐有易威之弑綿臣

后杼居原者預云沁水西北有原城今河

內軼桀以原侯夸師者

干 桀臣干辛邦也說文邦國屬臨淮一作邦

吳地昔吳城邦溝今揚州故廣陵開皇曰

邦江八十武德邦州七年今作韓江繆

蒙山 桀伐蒙山氏即岷山氏今蒙州蒙山郡非

陽之蒙山

有施

扈

趙

桀世趙梁

伊

摯所尹六渾伊川許氏所云伊維侯國

萊

湯佐命萊朱國

登

湯御登恒有登氏

慶

湯臣慶誦

湟里

七大夫有慶誦湟里沮

頑

樵云鄭地

卞

卞隨蓋晉下

漆

鄰國乾之永壽漢之漆縣今鳳翔之普潤

有漆水昔隗囂攻略陽上至漆漢之漆今

邠治也寰宇記邠之新平漢漆縣有漆水

屬扶風非免句長垣之漆舊云防風民漆姓後然世本無

漆姓防風姓釐

南巢

右夏世侯伯之國

堯禋舜禹為司空平水土邛成五服至

于五千堯五服服五百里要服之內方

五千里康成謂方萬里以七千里為九州妄也方以為國五國

有長長有師十長而一師師五十國州

十有二師州有牧牧稟命于上京此以傳之

說裁外薄四海咸建五長四海謂千里要荒之內要

荒雖異九州不盡建侯亦有五五百里

以為甸甸佃也為天子治田里賦納總

百里粟五百里米爾重而遠輕甸甸之

外率五百以為侯綏要荒甸服外即為

也惟以射而進退侯外漸遠綏之而已

綏者輕也綏外益遠故惟責其要服之

外則又荒遠邇於夷矣此唐虞之制也

周之九服不能如是佃服即移侯服之

外采又有男之外衛乃在采之外而侯

邦男邦且雜建於天下無復遠近之別

知虞夏之制為蓋善侯服之內采男諸侯之所隸

也卿大夫采在六百里內男國小在七

故男在內懼大陵小故綏服之內以揆

文教以奮武衛千三百里之內近於侯

治千三百里之外通於要服使奮要服

之內夷蔡屬焉荒服之內蠻流屬焉禹

蠻夷三百里流蔡二百里此音其實與

上古侯甸不回夷姓近人蠻姓遠人故

百國凡四千八百要荒之內惟不悉建隨地

而區通之則亦萬國甸服親事時時而見侯服

歲朝綏服再歲而朝要三荒四四歲而

天下諸侯畢一朝一朝則天子時巡所謂

五載一巡狩東漸于海西被于流沙朔

南暨聲教小大之國內外之侯三正所

用蓋七千有餘國十二師之制州六百

為七千二百國州擇十二諸侯以為之

師以九州則異矣鄭謂每州得百里之

國二百七十里之國四百五十里之國

八百州計千四百國以二百為名山大

川不封之地餘百國以一師州六二師

八州計九千六百國以圻內子男備數

為萬所謂萬國固非必如是惟周王撫

萬邦而幽王且有萬邦之屏周亦何由

有萬邦哉謂禹邶城每服○嗟乎塗山

加五百里為萬國尤妄

之會賁玉帛者萬國其君長世及不知

其幾侯伯也其可見於國名記者如此

而已令名醜行均寂威而無餘矣况流

風善政之欲知乎後世之士蓋不勝臚

薄也德執智略曾不足以任建立而第

相粉澤蚤功蚤德以剡剔金石而斬取

彼夢者之在寢也其四肢鼻口率故形也据其旁者未始一見而若之神游或羽而僊或冕而朝城郭宮室輿服臣妾乃忽富而驟榮官偕興乎時鹵簿噉乎後若無有極逮其卽覺遽遽然無毫釐之可攬夫然後自笑其始之妄而爽然以悲然則竊勢希合次且愒日專利臣封已者其大言彘裾未始少變而且枵然顯大自智莫之與對顧不爲尹氏老役哈者鮮矣 孔子曰禹吾無間然矣夫孔子之功惟見於六經而自比於禹夫子於禹若不相似然然而後世且曰生民以徠未有則六經之文比隆堯舜可也比之於禹蓋小着矣宜乎後世之不以爲非也予觀班志劉略文字固已不勝紀矣其果皆有益乎無益也而隨唐之書卷叢之多動數十百千萬使後之學士腐唇蔑齒眵昏雙明而不知其統豈不悲哉古人云修短隨化皆期於盡予攷古之封君曾無隻影而文人詞

士殘窮竹帛誠不能不以之興懷從而
列之焉知後之視今不猶今之視昔也

商世侯伯

馮 馮夷國詳文招中

應 汲古文云商時國寰宇云故城邾城東南

四十故殷之應國杜云褒陽城父南應國也

隗 史伯云南有應鄧西有晉隗

佻 佻也唐韻古一作佻邾先典切集並蘇說

文云商諸侯為亂者或以為莘非集小禮切又音韻

妘 傳云商有妘妘昭後三有妘氏云妘也定元年有

邳薛地今淮陽治下邳集同胚姓纂纂要

方凡切姓苑始音鄙一音缶

弊

黠

終葵 商時侯國後有終葵氏

高丘 商有高丘子見三一經

薄姑 商諸侯即薄丘一曰蒲姑在青之博興地

志有薄姑城在臨淄西北五十杜云蒲姑城在樂安

隨博昌北唐博興也青圖經云與四國作亂成王威

之以封太公按史記則胡公徙之按晏子爽鳩氏

始居之季前因之伯陵又因之薄姑氏又因之然後太公因之爽鳩大昊時季前夏

季而伯陵薄姑商未也然太公實居營丘非此

落姑

按春秋傳落姑齊地

閔元年或云魯地魯大夫采

姓書

落姑氏

蒲侯

襄公與莒子遇蒲侯氏

二十二年預云邑名

蒲如

商侯國齊地有蒲如氏預云下邳取慮東

南有蒲如城春秋蒲隧或云即薄姑蓋其

分也

姑幕

商侯國今密之莒東北百六十有姑幕故

城故晉琅邪姑幕縣後齊併入東莞晉志

通典十道記等俱謂即蒲姑蓋非樂史以

為薄姑氏國與四國亂周公滅之以封太

公又云青之博昌界有薄姑城是亦一之

按書大傳謂奄君薄姑語錄父舉事以薄

姑非名誤矣傳所謂薄姑商奄吾西土者

豈惟晏子之言哉

酈

酈山是後為酈氏食其氏

音異基其孫賜為氏

侍其

氏其曾賜氏

黃洛

寰宇記盧龍有黃洛城黃洛水殷諸侯國

貸

成湯時有貸子相

邊

商國周有邊伯莊十八年

膠

膠革國今沛之公丘續云本膠國通典則以萊之膠水為古膠東國括地象云在膠東南六十里即墨城也

錫錫疇

商末錫疇子斯一云錫疇國鄭六邑有戈錫錫宋鄭之間鄭人滅之以處宋元公之孫

瞿

商罍有瞿父鼎有商瞿氏宜為瞿上

𪛗

玉篇國名宜即𪛗三𪛗也湯伐之字書書傳作𪛗從舟故雅訓至詩從史彙通典𪛗一也漢廣川子則封三𪛗侯屬東海

甘

甘盤小乙臣高宗學焉後受遺有大功

九鬼

紂三公即鬼侯明堂位為紂所終彪云鄴西鬼侯

國也隋圖經臨水縣九侯城今相之隆陽

有九侯城磁之滏陽西南五十誕生音仇故或謂即

仇非

羗

羗里地在相音九或即九字書音牖失之

鄂

史記九侯鄂侯為紂三公紂虞所封南陽

所謂大夏有鄂氏姓書出或作邗非

邗邗

邗侯亦紂三公昭十四晉施邗或云即鄂

即云邗侯俱非按世紀邗侯事紂以忠諫

死而邗為文王所伐文王豈伐賢哉邗見武穆

中

崇二

崇侯虎紂佞臣文王虜之今崇有崇城崇

侯墳九域志云虎也集韻寰宇記彭城北

三十坨城臨泗水秦地志云坨城古崇國

宛人謂實中城曰坨直加城西南有崇侯

廟在廟與秦崇異杜云杜扈永和志云在秦晉之間蓋以宣元趙

穿侵崇以求成于秦也張子厚疑非一國

虞芮別見

文王質虞芮之訟暨師武伐紂乃收虞師

芮師六韜春秋虞公虞仲之後周初封之今小國稱公

陝州

密

文王伐之詩云密人不恭者事見周書蓋

與紂有謀周之意

黎

夏諸侯九黎預云東夷國晉侯略狄土立

黎侯非文王所戡矣故晉志二黎國

飢飢

昔文王伐飢本作飢音祈即耆黎也周書

傳五年伐耆而大傳作戡耆故說以為黎

也周傳一年質虞芮二年伐邾三年伐密須四年伐犬夷五年伐耆六年伐崇周紀平虞芮明年伐犬夷又明年伐密須又明年伐耆又明年伐邾又明年伐崇侯虎

字書帆訛

帆飢帆同集云伊帆古天子號按仇有祁音兔置叶達趙王歌

龜策傳皆叶之也

豐

豐也事而紂惡之韓子云文王侵孟克莒

舉豐三舉春秋徐之豐縣又楚地

社云祈縣南有

豐鄉

閔

有閔天為閔氏

漢廣陵相侯孺

枝宜

散宜生後有散氏

於陵

書大傳散宜生之於陵氏今淄之長山

長子

周史辛甲封今潞之長子晉執衛石買處

商蓋

周公勝殷將攻商蓋辛

甲曰難攻請先

九夷攻九夷而商蓋服

庸

庸氏伯爵助武伐紂今房之竹山漢之上

庸

文十六楚威之楚飢率諸蠻叛楚也寰宇記上庸故城在州西二百五十楚子

為庸浦之役者

說襄十三蜀地文鄜南夷國寰宇

記金州周庸國地戰國時為楚附庸後威

之

楚使盧戢黎侵庸

有裨修魚三邑

鬃

庸蜀鬃鬃微盧彭濮皆西南夷助伐紂者

微

瀘 盧戎也古文作纒齊之長清南五十有盧

城齊鄭尋盧之盟者然非此記每為廬今

襄之中廬 寰宇云中廬廬戎國文十
六年楚師自廬以往者

彭 黔之彭水縣又有彭溪在忠之臨江即巴

賓彭濮者非濛陽矣

棘 棘侯國今戎之棘道音撲一作棘集音棘

云縣名又音拍慢

靡 周書世俘云武王伐靡及陳者

戲 武王克商命呂佗伐戲方云紂畿內按襄

九年戲鄭地

艾 侯爵穆鼎有艾侯作艾王倝以為共誤并

之廣陽漢之上艾後漢石艾也又吳有艾

縣隋入建昌有艾城今在武寧

佚 武王俘艾侯佚侯小臣四百六是也皆商

國

恭 姓纂云商末侯國

歷

華

國莘

思 康成云商有思侯梅伯

霍

侯爵武王禽之汝之梁縣西南七十有故

霍世本云霍國真姓今本作姬姓知非晉霍

臧

文王觀於臧遇臧丈人釣者近渭

遲

商有遲任賢者集韻引書遲任

鄜

呂春秋揚鄜其本又君新鄜字從邑借也

當邑國

右商世侯伯之國

王制四海之內九州州方千里建百里

之國三十十三公七十里之國六十十六卿

五十里之國百有二十三十二小卿凡

二百一十國三等相倍八州千六百八十國

大二百四十九次四百八十小九百六十名山大澤不以封

與民同財其餘以為附庸閑田州餘方百里者

十方十里者六十若封者為附庸未封者為閑田有功者取之閑田祿之其有

削地則歸天子之寰縣內方百里之國

九視公侯者三為三公之田有致仕者副之為六餘三以待封王子弟其一

大國七十里之國二十有一視伯者六為六卿之

田致仕者副之為十二又三為三孤餘

六待封王子弟其三次國之命三孤無副五十里之國六十有三視男子者二十七為大夫

之田致仕者副之為五十四餘九以待
封王子弟此鄭氏說非必盡爾然鄭又
以王制前所言三公等田為商制後
言縣內國為夏制采地殊不可曉

九十有三國三等而名山大澤不以盼

王以給民其餘以祿仕以為閑田畿內

虞人掌之無附

庸餘方百里者六十方十里者九十六

周官以大都之田任疆地公所受地在

焉小都之田任縣地卿所受地在焉家

邑之田任稍地大夫受地在焉此言縣

內舉中言之然則公邑之田任甸地元

士於此受地可知此其大凡也其地有

餘有不足蓋又有通法故卿或在縣地

取足於封而已甸稍縣都無過十二謂

如百畝而徹賦民什一於一之中又以

十分為率取二也畿外諸侯以歸公上

大略九州七千七百七十三國天子之元

士諸侯之附庸不與八州餘方百里者

四百八十附庸寰內夏后氏之畿也故

康成以為夏氏之衰戎狄內侵諸侯相

并國咸數少商湯承之更制中國方三

千里以為九州建此一千七百七十三

國杜佑因之蓋失之矣夫湯之興資者

三千王綱云湯時諸侯三千洛誥傳云

武王伐殷同國三千長百其村設

其禮義被之文章千八百者周家之始

受也九州州方千里此於禹服五千里

內斷長補短建國多寡之數三代

千八百諸侯布列五千里內足相參攷烏在七千里哉夏之萬國至商湯至周逾數百年間不應所減如此商之去周又數百年何得並無減損知此周數商益多矣書傳云遯見文武之尸者千七百七十三諸侯玄謂此周所因商世九州諸侯之數所謂萬國固亦號數知文武之後制

之內曰甸千里之外曰采曰流甸者服治田出穀稅采者采取

以當穀稅謂所貢物上天子百里之內言采下言流其中舉矣

以供官千里之內以為御官官府所用御御府所用

百里內謂如納總皆粗者千里內謂如粟米皆精者太府八賦不以遠物待近

近物待遠近供官遠為御也太宰制國必合王府之賦為之調度此則王府之

所供止百里膳服千里之外設方伯州伯

五國以為屬以屬制名大事從屬有長

州四十二長十國以為連以聯制名言以授邦職以役國事如

也聯連有帥州二十三十國以為卒以卒制名

善以比追胥今卒有正州七正連帥比貢賦如卒也一年東徒羣牧五年東車卒正三年大東車徒

二百一十國以為州州

有伯伯八州八伯各以其屬屬於天子

之二老茲商周之通制也八州八伯五十六正一百

六千八帥三百三十六長凡五百六十八多少雖不同方伯連帥一也

嗟乎置天子非以優天子收天下也置

諸侯非以優諸侯收一國也諸侯之有

方伯連帥牧長卒正非以優疆大在小

國也故以小事大大字小致治之要春秋之所與也分災救患濟弱扶傾是王政之所急黎侯迫逐衛宣不救而旄丘以爲責四國災流許人不悌而君子必其亡

詩云伯也執殳此州伯也時齊侯亦自謂小伯見國語

是故

什伍之法於州鄉則聯其民於師畋則聯其徒於宿衛則聯其官夫然故能以中國爲一人而無內患爲屬連卒州以聯其國爲長帥正伯以聯其人夫然故能以天下爲一家而無外虞此大司馬

比小事大以和邦國若職方氏邦國小大相維之事也先王之建諸侯豈顧私其力以自衛使子孫世得王哉不如是有不足以寧天下而世之治不治子孫之世不世有不在乎此也世之人徒見三代之能長則以爲建侯之力見春秋之紛亂則以爲建侯之失夫以禹之功又非無諸侯也而世未三易太康不道俄失其國其所以未亡而再集者幸有窮之顛越而少康之明賢爾諸侯何力

之有東遷之後非無疆大也然而載祚數百世乏令主猶克永世雖危無咎則周公之法在而四國不能以相賓也諸侯亦何罪邪先王之設法固為後世之能守者設也使後之世果能守邪安有春秋之末世苟不能守則亂之起有繇矣豈法設之罪哉謂諸侯之敝有春秋之末世則司馬氏之季天下裂于夷狄大業之際天下散于盜賊其為禍亦至矣豈以有諸侯至此極邪

已卷三

丁

武王時丁侯叛者

羗

羗侯今武功縣界有羗陽故城或云湯陰

者非

湯陰北六里有羗城羗水城北臨水周二百五十步即羗里城史音彌里元和志彌里一名羗城湯陰北九里通典相州湯陰羗里城隋國經湯陰有防城紂囚文于築此防之

濁

有濁氏

元后傳有濁賢

濯氏

鄭自子濯孺子風說俗通云濯輯之後

文濁水出齊郡厲鉅山東北

紆

穆王伐之大起九師東至九江蚺蟬為梁

在江東矣

紀年四十七年

因 穆王西征至因氏郭云國也近河

房 穆王里圍田之路東至于房郭云房子國

趙地有嶺山紀年作魴即高邑之地十道志云

高邑趙房子也通典云趙臨城舊房邑也寰宇有房子城漢之鄆邑後漢之高邑

郊 穆天子傳有郊子郭云夷國有德者稱子

蒯 蒯備也蒯伯綦國穆天子西征至于蒯河

宗之子孫蒯柏綦逆天子郭叵肯切柏爵

綦名廣韻上聲引之云漢有蒯城侯又步

登切故楚漢春秋作憑城又作馮馮朋通

也地記陳倉有蒯城云河宗之子孫則宜

在此非沛之鄆始纂作蒯伯綦訛傳今作鄆伯綦訛

鄆 說文沛城父有鄆鄉玉篇蒲梅切蘇林廣

韻為薄回切云鄉名在右扶風集一作鄆

又音浮顏為薄肯切則又誤矣姓纂鄆氏

以為出伯綦國在虞芮間者妄或作邨非

諸蒯蒯蒯蒯字並詳字經

蒯 邨是春秋蒯得之先訛為蒯苦怪切括地

志河南縣西四十有蒯亭縣今有蒯鄉玉

篇說文邨從敝省汝南安陽鄉名或作蕢

穆天子

周世侯伯

詩邾

邾也魯取之襄十預云亢父有邾亭亢父

隸濟說文附庸國漢志詩亭詩國水經云

春秋詩國也在任城界 樂盈克邾乃齊

地例云平陰城西有邾山

成六年取邾外紀云附庸

邾 邾之三水東北二十五邾原上有古邾城

見寰宇記郡縣志云安定縣界有三水故城周鼎銘云王命尸

臣官此邾邑者班固以為文招元和志從

之非也應云邾侯伐晉者今渭水南一里有故城建德二為邾州三年廢皆

因國誤城今在郟

楚淖國先為淖氏集韻音卓魯共王淖俎

周器南宮中鼎云福人是說文有麟

子爵蔡之褒信有賴亭楚滅之昭四年非炎

帝後賴春秋威賴古本作厲故世以為卽

厲非也晉志厲賴二國又哀六年孺子如賴乃齊地

王良邑為郵氏

庫 呂覽晉文之霸東伐庫廬者

渠 畿內國周大夫渠伯糾後有渠氏 昭二十
六渠周地

昔 周大夫所封見風俗通通作夕故有夕侯

後有昔氏夕氏鉅鹿故昔陽城一云貝丘

今恩之清河有郚亭乃音藉清河乃秦厝

縣貝州也 或云臨邛
有郚鄉非

用 風俗通云古用國見毛詩在高唐乃用地

故有用姓 名士錄有
用羽之

呂 徐之彭城東有呂梁城五十九里春秋為

宋地漢呂縣

郚 甫也汝南上蔡有郚鄉郚亭或云卽呂非

也孝經偶引呂邾為甫介

鄆 在潁川玉篇云甫侯所封非按鄭世家有

鄆公本許云

鄆 鄭地今滎陽有鄆水城鄆水溱也而故鄆

城在襄邑東南有故城襄元年次鄆者 隸
拱

州非姒姓鄆故晉志有二鄆國

宋 春秋有宋子乃小國今趙之平棘有宋子

故城漢之宋子縣非微子國封

鄭 奧一作郁有郁氏 姓
苑

慎潰

魯有慎潰氏奢侈逾法敗

家語

沈猶

古附庸後魯沈猶氏

孟子有沈猶行姓苑云太山人

漢劉

穢為沈猶侯地在千乘

韻直忱切師古音審云沈亭是

無終

無終子翟國今薊之玉田渙陽亦其地晉

威之燕為右北平有無終山

故無終縣在

三十萬歲通天二為玉田

以蔽北燕之路亦春秋之山

戎

零支

齊桓公北制零支今平之盧龍故零支縣

古離支也

臯虞

故侯國漢郎邪臯虞縣

中牟

佛盼邑今縣隸開封開皇之內牟北十二

有中牟故城又河北有中牟在濕之北趙

獻侯徒治者晉地瓚說詳矣班固杜佑以

為滎陽中牟縣故樂史以為河南有盼墓

因年表誤之衛侯如晉過中牟不在趙之

東也

定九年晉車千乘在中牟預嘗疑之吳曾云當在溫水之上迨疑年表趙

都中牟謂新鄭恐趙嘗都亦繆矣

東牟

文登西北百一十有東牟古城

堂陽

九域記漢縣今隸冀城豕記商之太子封

母弟才為堂陽侯在堂水之陽

闕鞏 國也昭十五年傳有闕鞏之甲

郇瑕 預云郇瑕古國僖二十四伏氏云在解東

郇瑕氏之虛也地薄水淺近於鹽謂鹽澤也然郇與瑕二郇音環詳周國中瑕見卷末

析成 今鄧之內鄉

介根 東夷預云黔陬東北計基城即介根國漢之計斤今密東南四十計斤故城廣記密之膠西

徐吾 介葛盧國黔陬隋省入膠西故城在今諸城東北百一十徐吾氏茅戎之別後有徐吾氏今潞之屯

留西北三十有故漢餘吾城

闕與 通典儀之和順韓之闕與趙奢破秦軍處和順今隸遼

寰宇記今名曷蘇城銅鞮西北二十今潞之銅鞮故闕與城漢梁榆也九域志一日榆城盧諶征

艱賦云訪梁榆之虛郭乃闕與之舊都謂此

安陵 國事云小國侯其後氏安陵經為楚王妃

界梁 吳之邊國甲梁氏甲梁人也楚威之今濠之鐘離吳世昔甲梁女與鐘離人爭桑相

攻遂滅甲梁吳世家右無之

梁 晉伐之宣十五今之潞預云廣平曲陽縣今

洛之雞澤漢曲陽地

仇吾

一曰仇繇韓子云仇繇小國為智伯所威

後有仇吾氏

呂春秋中山國有風繇之君智伯伐亡之即仇吾一之誤

一作公猶非國事云智伯欲伐之遺以大

鍾

韓子智伯以大鐘遺仇繇見二

按河東

孟縣有原仇城元和志以為仇繇樂云即

孟之外城仇繇城俗名原仇九域志亦在

九原并

公猶

班志屬臨淮今泗之漣水伐以為即仇繇

非智伯所伐不在是

鍾吾

一作鍾吳春秋鍾吳子國

昭二

吳威之預

云泗之宿遷西北十里司吾故城是

寰宇

俗為鐘吾氏

漢尉氏令鍾吾蒼

餘丘

於餘丘也

莊二慶文伐之

預云為邾所併故二傳

云邾邑經不繫邾魯叛庸也邑不言伐

沙隨

春秋地名云本國也今南京寧陵西北七

有沙隨亭

成十六預云比

浮來

即邳來紀邑今東莞北有邳鄉邳鄉之西

有公來山邳來澗

彭戲

秦武公元年伐彭戲氏于華山地近華陰

各史

國名紀

四二五

蚺丘

音移封者為氏泰山蚺丘縣

葵丘

外黃東有葵丘大夫邑食者氏焉英賢傳有葵丘欣

潁

春秋圖有潁國樂云潁侯國通典以為洛

之潁陽考叔邑即城潁許之長葛西一里

有故潁城潁谷

考叔冢在汝廟在許

亦有周潁

昭九年潁

周地

蘧

伯玉先國陳留傳云長垣有蘧伯鄉一曰

新鄉伯玉之冢

單

單伯魯孤與周之單子別

介

之推先國即汾之介休有介山縣上山地今沁之縣上竇莘以為密界晉黔陬乃介

根也

駕

楚附庸吳圍巢伐駕圍釐虺者

成十七年

湯

秦寧公二年代湯三年與亳戰蓋京兆杜

亳

亳

豐

秦襄公以弟穆嬴為豐王妻地蓋豐水之

西一作酆

哀四

昔文王侵孟克莒舉酆三舉

而紂惡之

韓子

預云南鄉析縣南有酆亭

諱

儲

齊大夫有儲子姓源云儲人後繆

鄆

春秋鄆闡一作謹在鉅平今濟北蛇丘西

下謹亭唐入鉅野今濟治然此為聞喜之鄆

有鄆亭自音圈水經蚰水逕下謹城南即

灌水也今冀丘

析

所謂析鄆楚附邑白羽之地秦人過析隈

今鄆之內鄉有浙水魏浙州故漢南陽浙

縣

聊

聊莒即墨皆齊東界今博之聊城漢屬東

郡

攝

昭二

晏子云聊攝以東故博平是今聊城東北

三十有故攝城博平西南二十或以聊攝為一誤

博

充之奉符漢之博縣隋為博城

涓

齊有涓子涓蜀良之先荀子涓蜀以濁良

非

離

本舒鳩地今通利軍之黎陽有故東離城

漢鄧弱為離侯於此史表或云黎非

儀

儀封人儀之封人也注衛邑今開封東明

西北二十有儀城

后 宜卽郈有后氏 弟子后處云 出后土妾

牟 牟子國楚威之為附庸預云泰山牟縣今

奉符 廣記奉符漢牟縣故牟 國樵云登之牟平非

鄆 莊十 四 衛縣大夫鄆子士音眷衛侯自鄆入 哀十 七

本齊豹邑曹植之封晉八王故事云東海

王越泊鄆城城無故壞今濮之鄆城漢屬

濟陰

邾 本紀邑有邾故城在青之臨胸東南

鄆 昭十一年鄆魯地舊云都昌西之訾城 詳 楚

後 訾

郚 密之安丘西南六十故郚城漢郚縣 杜云 卞縣

南又朱虛東 南有郚城 隨之郚縣武德中併 文七 年五

梧紀邑後屬 魯南與邾境 莊元齊遷莒邾鄆凡書遷

者自是威矣

崇 春秋之箕崇小國趙穿尋崇者非崇侯國

廬 九域志廬州古廬子國 劭 有廬氏

邾 鄭地時來也預云滎陽東釐城

呂 河東永安博物古今地名記有呂鄉呂甥

之邑郡縣志云霍邑西南十里有呂城紀

聞云霍邑古呂州卽彘也 唐為呂州 彘卽永安 其城

甚固紀年晉獻公十九年會虞師伐虢威夏陽虢公醜奔衛乃命瑕父呂甥邑

于虢都志云北虢也非彭城樵云彭城東五十里呂梁漢呂縣

肥二 漢故肥城今在鄆之平陰志肥子國屬秦

山唐隸濟然菑川劇自有肥亭志亦云肥

子國蓋二邦云

魚 魚人逐楚師者文十長楊之魚城也長楊西北

五十四面險絕舊云魚復通典夔州春秋魚國也然魚復之名始於漢世

即魏之人復故城在州西十五禪儵魚庸之三邑

禪

儵 文十七年待于儵樵云晉鄭之境

漆 從征記高平南平陽東北有漆鄉杜同定十

五年城漆邾庶其以徠奔者襄二今究有

古漆城

宛 卽有宛長垣西南有宛亭近濮水衛宛濮

也

戎 戎州已氏邑今宋之楚丘九州記云已氏戎君之姓混吾

之後漢已氏縣哀十七預云濟陽東南有戎城此會

潛伐凡伯者隱又山戎在漁陽國都城記云燕北通

山戎莊三十公及齊侯遇于濟謀山戎以其病燕也今幽州東二百十三漁陽縣

茅戎在陝杜云大陽西有茅亭亭今在弘農陝有茅城樵在陳留襄

戎在秦

九域記秦州有平襄城古襄戎邑漢陽

驪戎在新豐

莊二瀘戎

相十

姜戎

信三

陰戎

昭九

蠻

哀四年蠻氏潰蠻子赤奔晉今河東伊陽

伊闕鎮即古戎蠻子國漢新城唐伊闕也

寰宇以梁縣西南蠻中聚為其國今謂麻城

夷

紀所伐夷國也

隱二

城陽壯武治夷安

漢壯武城

在即

非魯地之夷

閔二

若臯夷

蕪湖

淮

夷

信十二東夷居淮上者安國以為徐夷之屬非也閔官詩與昭四年春秋淮夷

徐明為二

狄

翟也晉語蒲人翟人狄類非一居中國者

若白狄

信三十

與秦同州預云故西河地

有白狄部胡

神異記

今鄜坊綏延間皆其

地

一云白翟居乃秦高奴故董翳為翟王都高奴今膚施

中行穆子

伐翟乃鮮虞列子言襄子攻翟取左人中

人則鮮虞矣

开

开羗居金城今蘭之五原

遠

風俗通云遠秦邑集韻音錄有录氏遠氏

漢有遠並高駟將遠並

右周氏侯伯之國

事之宏遠固有不得盡計於其始而有
俟於後之人者封建之事非一世之利
固非一旦之可爲非一朝之事亦非一
日之可計要必因其平時漸而爲之則
何事而不立是故吾先哲王擇明賢比
勲德年增而歲益之所以成瓜牙之勢
者固非一旦而衆建之也修禮法謀連
帥朝厲而夕勉之所以爲長久之計者
固非一日而驟爲之也規模者本之前
善善者存乎後是故羲炎以來歷載千
百而封建之設猶有遺利則凡事之立
固不在乎始謀之善不善者
漢封諸
侯初本率意事微周度是以土宇過制
歲未幾何而叛九起則其始謀者既不
善矣誠使惠文景武而徠克原其故修
方伯謀連師明君臣父子之恩正疏戚
尊卑之分漸而維之使安其樂絀貪殘
寵賢德崇惠而涵養之則三代之緒將
復見矣柰何吹齋過計一體廢膳遂使

成功頓毀美惡俱盡而不可以復起豈
不惜諸是故成久長之業者必非一旦
之可為也周有天下商之諸侯存者猶
千八百因而崇之故為勢易而說者謂
周之興也八百之侯同會伐紂故不得
而不封且以為一旦封之此皆書生嘖
嚶嘗試疏闊譚也

暴長者云云推久長之策造速成
之功此非陛下之福天下非一時
之用海內非一旦之功云云朱浮

云

上世妃后之國

華胥 伏戲母國在閩中列子云華胥氏之國在

弇州之西台州之北

娥陵 女媧世之臣有娥陵氏

少典 黃帝父大叢少典氏則其後襲封者有典

氏姓纂又有少氏妄

有喬 僑也一作橋少典取有僑氏傳作有嶠賈

云諸侯集云古諸侯又云上世國名後有

喬氏橋氏嶠氏春秋有嶠固漢有嶠彦冲姓纂以為嶠牛後

承桑

神農取承桑氏一曰桑水陝之靈寶有桑

里亭

晉桑田今卽陵有桑里

西陵

黃帝元妃嫫姓國作儻同今江夏安陸間

故吳以安陵爲西陵有嫫氏西陵氏

春秋有西

陵羔見世本

方纍

黃帝次妃方儻氏一曰方雷雷纍聲注

雷祖

方雷用字每相犯故世以方雷卽雷祖誤

有雷氏纍氏儻

累雷儻

單從田皆非字

彤魚

黃帝三妃彤魚氏國固表作彤非

干類

青陽取干類氏生少昊後有類氏

蜀山

昌意取蜀山氏益土也

詳前紀

今濟有蜀山

或其分也

鄒屠

高陽取鄒屠氏者昔黃帝戮蚩尤遷民善

者于鄒屠

勝濱

勝奔也高陽允妃勝奔氏國

帝系注宋或

作騰隍誤

根水

卷章取根水氏今土軍縣有根水是史多

作卿水非

鬼方

陸終取鬼方氏殷商宗伐鬼方或此

陳豐

一作鋒艷也僑極取陳豐氏生帝嚳嚳復

各史

國名紀

五十三

取 陳氏生帝堯齊之豐丘陳氏邑也

有娥

帝嚳次妃國訛作嵩

殷武疏簡狄國

桀敗有娥之

虛蓋陝虢間

故世紀晉志桀敗于焦淮南子有娥在不周北遠

有

娥氏嵩氏

有陬

帝嚳三妃之國音輒史作訾陬或作陬訾

俱非

姓書訾陬三皇時諸侯

富宜

帝堯取富宜氏史記班表作散宜散宜為

二

許直言二名有文武賢臣散宜生非也

登北

帝舜之三妃傳多作癸比

姓纂又作癸比

經云國

在鉅燕之南倭之北屬燕

有嬖

縣納有嬖氏生伯禹唐韻云國名帝繫作

有莘今陳留有莘城國語之莘虛

土敬

縣妻土敬氏見山海經

塗山

太康地記塗山故當塗國固云九江當塗

今壽春東北塗山也

山在濠之鍾離西百十七里

當塗

故城州西九十六有禹廟塗山神祠山頂

漢魏不害劉聖公為當塗侯國

應以為會諸侯處非

塗山侯國大誤

酈山

戎胥軒取酈山氏蓋即驪侯

契和

老子祖理徵取契和氏後有契氏

各史

國名紀已

五十四

純狐

后羿妻純狐氏浞納之

有仍

見商世國

州山

南岳取州山氏曰女庚

右上世帝王妃后之國

子曰周監于二代郁郁乎文哉文者禮

文加詳之謂也夏商氏非不文也以周

而視之則猶質也方封建之行也豈惟

利其私哉予之所嘉亦正以其文也且

姑以大婚一事言之王妃取於諸侯而

王女下嫁於國君之世子不過下一等

爾逆送之有文以相接丙丙乎不可尚

矣自其郡縣而兩勢懸后妃遂取於齊

民而王女下嬪於匹庶矣豈不異夫

桓年紀侯徠朝何休以為稱侯者天子將

娶于紀故封之以百里謂天子得娶庶

人女以其得專封非也劉原輔云天子

養天下之民居天下之尊守天下之法

能刑人能爵人然刑人當以罪爵人當

以德豈以得專而妄刑人爵人哉又况

棖以情愛援百里之命於匹庶輕宗廟

褻社稷使後代庸君欲以百里之女共

以爲無私也嗟乎亦不究其本矣天下
多故人非齊聖敵則敬其相泊者未有
不生於不等者也秦漢而徠不原其本
脫先王之意務以尊君抑臣爲治列侯
尚主帥使男事其女而公卿婚天子者
一至舅姑屈跪其婦以故王陽條奏原
以爲失長樂王回亦首其敝謂父母至
不敢畜其子而舅姑且不敢有其婦人
倫悖於上風俗頹于下則不等而已矣
惟不等故不敬不敬故相泊相泊不敬
失伉儷之義矣失伉失儷又烏足以言
之封建之代哉

古之亡國

皮氏

信不行義不立哲士陵君政禁之生亂而
亡皮氏詳雜國中

華氏

方正日遠邪人專政禁之生亂而亡

六韜作辛

氏又博物志

平林

挾德責數賢能日疏位均而爭遂亡詩會
伐平林後漢平林盜起者按平林在隨縣

東北九域志史記有平林老引見姓纂

三饒

美言聞於內惡言聞於外內外不相聞而

亡或云三苗昭元

義渠

二子異母皆重君病大臣分黨以爭而亡

春秋之義渠戎秦昭威之為北地今慶州

平州二

功大而不賞諂臣日賞功臣怒而生變平

州出奔盟會圖疏平州在汾州介休西若

齊之平州漢平州國在梁父宣元平州杜云泰山牟縣

西有平州鄉

有林

召離戎君朝之而不親禮逃而誅之天下

叛之林氏以亡六韜林氏國出騶經與葛

鼠近預云中牟林亭非今開封春秋之北林

曲集

自伐其智廢仁義事疆力賢良伏匿君孤

無使榆州伐之而亡今符陽郡有集云萬

山所集六韜作西譙州氏伐之

榆州

孤而無使曲沃伐之而亡見博物志當亦周書文今不見

儀之榆社或云魏榆晉之離榆亦曰魏榆預云朝歌東有離榆

城今衛縣隨改

有鄆

茂爵損祿後君少弱禁伐不行重氏伐之

而亡攷之潛夫即祝融後也今鄆城六韜

曰會氏

重氏

伐有郇者宜句芒國滄之南皮有千童城

年表云故重是也

城在今無棣漢縣也云因徐福妄

上衡

與林氏爭權林氏再戰弗克上衡為義弗

克俱亡

有果

好以新易故故者興怨新故不和内外不

附而亡今果州

畢程

損祿增爵羣臣貌匱而亡文王卒於畢程

長安志引孟子今作畢郢

而武王嘗窮於畢程

呂十地

今咸陽

陽氏

自伐而好改作事無故業官無定位民運

于下而亡夫國以陽名者多矣如陝有上

陽下陽晉魯鄧越皆有東陽南陽難可悉

數

穀平

慢類無親破國弗克業刑用國內外相援

而亡一作平氏

縣宗

很而無親執事不從守職者疑羣臣解體

國無立功而亡六韜作懸原

扈氏

鄭地預云滎陽故卷有扈城亭卷後齊入

滎陽故卷城在原武西北

洛氏

宮室無常池囿廣大工巧日進失其民時

民人匱竭飢饉不食商伐亡之即有雒以

色音魚豢云漢火行忌水故去水加佳妄也按漢字從水不改師古云光武後改亦非史記已用之六韜作有熊誤

重丘

以美女遺青陽者括地象云曹州武城有

重丘故城今在濟陰東北三十一亦曰孫廩城

蒯飲馬重丘遂伐曹取重丘者襄十七年襄

東北三十七古重兵城是與德之重丘異處乃齊地邵云平原安德北有重丘鄉今有故重丘城在德治安德北樂史云故城在博之聊城

右古亡國見周書史記解及六韜周志

凡國三十皆敘其所以致亡之道以詔

徠世者二書俱云二十八國然文止二

此其有夏后居殷商○有虞○質沙○有巢○共工○南氏○阪泉○玄都○西夏十國已別見

嗚呼謀人則智謀已則愚謀未則獲謀

大則疎此天下之通患也彼有宗社者

莫不欲安也俄而危矣莫不欲存也俄

而亡矣虞夏不可言矣商之三千周之

千八百至秦漢之世者不千一莫不失

於是也有一裘褐必卽良工有一羊豕必資良宰人主欲善射中微而及遠也則張貴爵厚賞以招之內不阿其子弟外不隱於遠人惟能中者取之雖有骨肉之親便媚之好不之使誠以不能是也至於治國御民調壹上下內以固其誠外以拒其難治則制人而不治於人亂則危亡削威可立而待然而求卿相備佐不如是之公惟便僻說已之庸是豈不獨過歟是故明主有私人以百金良珠玉而無私以官職事業國無常疆無常弱奉法者以彊而不奉法者以弱荆莊併國二十六開地三千猶荆莊之氓社稷而荆已亡齊相併國三十開地三千猶齊相之氓社稷而齊以威燕襄以河爲境以薊爲國殘齊而平中山有燕者重無燕者輕魏安釐攻趙破荆利都平陸攻韓拔管兵四布於天下而尋皆亡者羣臣官吏務其所以亂而不務其所以治也戈盾異用力鑑殊施易位

而用之則俱廢矣三公九卿人之司命
 今也不惟其人而惟親戚便佞之與無
 故而處豈非大不智歟韓嬰子云彼不
 能而主使之是闇主也臣不能而妄為
 之是詐臣也主闇於上臣詐於下威亡
 無日俱亂之道故明主惟能愛其所愛
 闇主則危其所愛矣予讀周志而益信
 國之亡未有不自已以求者後之取亡
 亦未有不出此而君人者尚不知戒豈
 不悲哉

已卷四

雜國上

貫

鄆也貫鼎貫所重齊宋盟處預云蒙縣西
 北有貫城水經注俗曰薄城按定陶有貫
 城今在濟陰名蒙澤城即古貫國有貫氏

國事齊
有貫珠

鄆

盟會圖疏云鄆侯國在慈州鄭伯卒處

襄七

鄭地杜闕音躁集音駮非

炎

兩制擬封皆用古國有炎見金坡遺事

桑

秦昭襄二年桑君為亂誅

藍 梁惠王三年秦子向命為藍君紀今之藍

田

襄 今襄陽古襄國黃帝時襄城小童者代為

重鎮非襄邑在汴乃春秋襄牛地

棘 陽翟有上棘城

號 燕地與齊境昭七年

沙 魏之黎陽有牽城是相臺志云古沙侯國

一音瑣今元城西南有沙亭

瑣 鄭也開封宛陵西北有瑣侯亭記河南鄭

亭也一云瑣澤成十二鄭地與瓌異昭五楚地有瑣

氏奚傳有瑣高唐書

厥 班志云無鹽東平陸古厥國玉篇灑國名

後月切隨之唐城魏為灑西恣一作厥孔子所

宰今鄆之中都有厥亭有厥氏漢衛陽妾厥氏賜

棣 伯也為棣氏王莽大司空棣並鄭城棣襄十酸棗西

南有隸城非隸州又有南棣城北棣城寰宇記陽

武縣北十里

曠 鄺是字書鄺古國有劓氏音荒又有荒氏

見姓苑鄺廬江人千姓編臨淮人

湛 河陽軹有湛水傍有湛城襄十六年有湛

阪以爲襄城之昆陽北有湛水後有湛氏

玉篇國名諧眼切

玉篇國名阻生切

國名見玉篇

古國宛丘西南四十有郟亭是

宣十一辰
陵杜云長

平東南有屈
亭陳州地後有郟氏

姓苑

古國後有郟氏亦見左傳

莫也鄭州文安郡

漢河間鄭縣開
元十三改州

有鄭故

城在鄭縣東北三里邾子顓三郡記云顓

頊造者景雲二鄭始去邑有莫氏

河南莫
氏出代

北姓書云
出莫敖非

郟

景王十三年魯伐莒取郟在琅邪梗音然

晉自有梗陽璠云晉陽西南十榆次界入

陽

臨

趙穆奔臨弦陔隳之晉邑有臨氏

姓書大
臨後非

牆

睿也昭二十三有睿人直人周地

眭

竺

故國今沛之竹

梧

故國本鄭地

襄

晉取之漢陽成延爲梧侯

者今彭城

騏 古國漢者騏侯國在河東

衛 預云奉高西北有衛亭昭八年商衛者無

閔 陝之閔鄉有閔亭在今汝南西平

安 一作郊當陽里也或云卽六安國非

維 東萊之邑晏嬰萊夷維人漢爲夷安今高

密安夷城有維水今作濰

延 鄭地與楚鄉二宣十二楚伐鄭師次于鄉

貞 郎也貞氏宜出此

著 在濟南與晉著二襄二十

盼 楚世家云盼子必用矣亦見國事

郚 晉地盾殺公子樂處有郚氏

鄭 力朱切南陽穰有鄭鄉

賈 鄭也今明之鄆縣有賈氏鄆氏隸爲賈

鄆 漢鄆邨爲鄆侯卽此

荏 泰山荏縣卽地志東郡荏平也有荏氏杜

切

薦 東周大夫因食邑薦謂之薦固

斯 後有斯氏

麥 麥丘也昔麥丘人年八十三祝齊相公公

封之麥丘漢有麥侯卽此有麥氏麥丘氏

尸 召伯逆于于尸 昭周邑也在鞏西南故偃

師之尸鄉卽尸氏齊相尸臣晉有尸侯爲

商君師著尸子

靳 楚地靳尚先封

魯邑哀五年城毗者

菑 鄆也漢濟南郡隨爲淄州

鹹 文十 澶之濮陽西南有鹹城 杜云濮陽東信十三續志云

古鹹國也

苗 晉地今垣縣軹關南逕苗亭西亭本周之

苗邑賁皇采

均 均國近庸蓋州均也

後有池氏 池仲魚

後有睦氏 漢睦孟許遜師睦子烈

郟 隰郟之郟今懷之武涉

稅 蜀王以稅氏五十遺廩君者盛荊州記云

建平信陵今有稅氏

良 二 幽之良鄉漢之良縣又鄆之壽張宋之良

邑漢初之壽良今下邳北六十古良城 晉吳

會處宋地

洧 育也金之洧陽育洧故城漢育陽縣在育

晉楚秦齊騶驛駘離毛韓絺紀梁蔣樊
祭滕莒窮穰崔汲熊張詹祈薛謝州較
燕密何嘗必從邑邪卽如國名姓氏
媪媽妣姪妘媯媧媧媧媧媧媧每亦從
女蓋取生生繁衍祝爾以故親名女字
姣媯妖妙嫖姚媯媯媯媯媯媯媯媯媯
媯媯媯媯媯媯亦皆從人聖人之意惟可
得矣郟郟郟郟郟郟郟郟郟郟郟郟
郟郟郟郟郟郟郟郟郟郟郟郟何等俗
繆而顧不能削邪故必知其要而後天
下之僞可息余顧漫勞心哉

雜國下

徵

郟

玉

北徵廣韻郟古國漢徵縣屬馮翊今

同之澄城西南二十二故徵城

地

志馮翊徵

韋音懲秦反晉北徵者

文十

故元魏曰澄

城

牽

衛地魏之四黃西南三十故牽城

樵云十

二里杜

云在黎

定十四年牽腓上梁之間者

弁

一作邾呂氏攷古圖有邾敦銘云王格于

宣榭呼太史策命邢宣榭宣王之廟有弁氏劉曜太史

弁廣明

盍

盍公先國王驩為大夫齊地在沂水西八

十陳仲子兄戴盍注蓋齊邑王信為盍侯即此音蛤景帝

封后邳也記並作蓋邳乃音冠蓋蓋去聲盍入聲

玉篇邳音閤邳丘蓋切集並音閤俱非

涇三

文十六年傳集云經國名預云潁川召陵

南涇亭今許之郾城又晉有涇庭翼南郾邑今曲沃西北有涇

古城又定有涇邑

隰

師叔曰合而後進先君所以服隰涇者二

國近楚

鄆二

梓之鄆縣南八里臨江有鄆王城址漢初

鄆縣寰宇故鄆王城在飛鳥縣北三十五然潁自有鄆有鄆

丘城魏安釐十一年秦拔鄆丘九域志云

即此云齊地非

劇

遽也漢為遽侯國有遽鄉在常山

邲

管城東六里有邲故城韓厥敗此宣十二鄭地

圃

圃陽縣在西河音銀

黨

黨氏也莊二十四築臺臨黨氏說文邠地

袞

宋地預在沛國相縣西南未詳宜即那楚

各史

國名紀

六八

有那處預云南郡沛縣東南那國南郡今

江陵

蟲 邾地昭十年後有蟲氏

牢 姓書古牢子國後有牢氏

圉 圉侯為衛邑成二十六年今雖丘南五十有圉城

杜闕鄭伯勞韓宣子于圉者昭五年楚有圉陽圉

公邑昭二十四而周地有東西圉東圉乃洛陽

東南圉鄉西圉未證昭二十三年

薛 淄州南四十謂之大薛非滕南之薛

頽黃 預云頽黃氏吳地見哀十六年

狐駱 魯地今徐之滕縣本隸邾

侯麗 晉人濟涇及侯麗秦地

秣陽 姓書云秣陽國後有秣氏未氏

高粱 春秋高粱之虛僖九年又今臨汾東北三十

有故城河北圖云三十七里有高粱亭高粱堰春秋

屬晉杜云平陽楊縣西南有高粱城楊縣今洪洞

高黎 東陽有故高黎城俗呼高黎郭

摯疇 風俗通云古之諸侯後有摯疇氏摯氏疇

氏或即任姓之摯以國為氏

密商 楚邑有密商氏或云密商本都邑水經南

陽丹水西南密陽鄉亦謂之二戶今在鄧之穰

平都 簡子立今遼之平城開皇於此城立縣

烏程 烏程氏國秦為縣今隸湖郡國志云古烏

程氏善醞

赤烏 穆傳有赤烏氏在泰山西

畱昆 穆傳畱昆氏歸玉紀年云國名

陵澤 音俊致賂于王即陵子壽胡也郭云隗姓

國

石窳 齊之長清地名預云濟北盧縣東

濁繇 穆傳四濁繇氏食滔水

鸚韓 穆傳二鸚韓氏有樂野

剖閭 穆傳剖閭氏音倚

闕胡 穆傳闕胡氏音遏

諸飢 衣被胥谷

巨蒐 巨蒐氏即夏貢之渠搜

西夏 西夏氏在河首至今為國

珠余 珠余氏去西夏千五百里又皆西征所次

柏人 趙郡柏人縣

甲父 傳有甲父之鼎預云古小國名昌邑東南

有甲父亭今甲父城在單姓纂云古諸侯

以國爲氏實平云在濟州南

黃父 晉地一曰黑壤

莒父

武父二桓士

在河南預云陳畱濟陽東北有武父亭今

隸開封然定四年傳封略武父以南則衛之北境非河南矣

倚氏

今晉之冀氏居義切

泫氏

紀年梁惠九年晉取泫氏即汲書趙獻子城泫氏者地在上黨澤之高平漢之泫氏有泫谷水

冠氏

齊爲衛伐冠氏春秋晉邑今爲縣隸大名

函氏

許地襄十六年

懿氏

戚城西北五十有懿氏城襄二十六壇戚田取衛西鄙懿氏六十與孫氏因姓也風

俗通出齊懿公妄父桓公時已有懿氏云

輔氏

晉地秦師敗處宣十五年

凡地名帶人與氏者

皆古國

是年有黎氏乃黎侯國

亦晉大夫采

乘氏

在兗州風俗記云濟陰乘氏故宋乘丘邑也

元氏

鎮之元氏趙孝成築元氏漢爲縣

云趙公子元邑

明帝生于此寰宇記前元氏今
巨野西南五十七元氏故城
今真定

輪氏 故登封西南今洛之告成西南有輪氏城

漢輪氏縣開皇十八日輪氏寰宇記作綸誤

寫氏 魯大夫邑廣集二韻有闔姓姓源引闔大

夫誤

尉氏 鄭大夫邑今開封尉氏或云古獄官

菟和 與陰戎境今上洛有菟和山或云菟氏今

尉氏西北四十有菟氏城野菟陂南

昭五鄭然方

屈生處

翟祖 晉獻公田見翟祖之氛歸寢不寐卻叔虎

朝公語之出遇士蔦曰翟祖之君好專利

而不忌其臣競諂以求媚伐可亡也蔦以

告公悅伐翟祖克之釐王十一年也

休 在潁川或云介休介在膠西

廉 今京兆有故廉城漢廉縣

蘄 秦虜負芻于蘄今徐之蘄縣周秦之故邑

陳涉走蘄今蘄州北有蘄水吳蘄春郡有

蘄氏姓苑云以國為氏從夂說文從草誤

鄆 曹邑昭二十今濟陰乘氏西北大享城寰宇

記古鄆城也

宛 所謂姑宛二水在卽墨有宛氏代作姑尤
姓苑有尤氏乃别出

蜀 一作鄆成預云泰山博平西北有蜀亭今
宛之奉符故濟陽有蜀山

賁 今沂之臨沂南襄賁故城漢襄賁縣音肥
漢賁赫亦音肥姓書有墳奔二音云懸賁
父後妄

蔽 史伯云鄆蔽一作弊

畫 故畫城在西安城南有瀆水耿弇進軍畫
中者胡麥切或云臨淄畫邑水誤臨淄乃

畫 齊大夫之封見風俗通有畫氏孟子宿畫
者

邾 鄭地鄭有邾張姓苑云所封邑今汝之襄
城有故邾城亦楚邑今許之邾縣子瑕城

邾 邾者漢屬潁川魏龍見陝之摩陂改曰龍
城

鄆 趙之高邑有古柏鄉城故鄆也哀四齊伐
晉取鄆

也 光武卽位改曰高邑或云會齊侯之處非
也 桓六年會于文公羊作鄆穀梁作
蒿炎氏不知時方定許向得在此

瓠 壺也有壺氏瓠氏壺子壺丘子
後有瓠巴

籍

上邽有籍水一日洋水又哀十七年籍圃

衛地

穀

隰州有穀城非姬姓穀

商

紀年秦封衛鞅于鄔改曰商梁惠成三十年記謂

故下博縣有商城今鉅鹿故城是然鞅封

商於乃商洛九域志止洛商君之邑張儀

以商於地賂秦者此也

邨

今高陵有邨鄉許徒力切本屬扶風集音

毒篇韻音攸失之

垂

引八宋衛過處曹之濟陰北有垂亭即大

丘非上黨桀居之垂與垂隴郵棠垂隴在棠陽東

鄭地襄十八郵棠齊也

厝

甘陵故厝也秦昔漢厝城七亦切相帝曰

甘陵今見之清陽東南三十有故厝城上

日離有厝氏燕有厝壽春秋後語

潛

楚邑在廬之廬江南二里有古潛城漢之

潛吳伐夷侵潛六沈尹戌救潛遷潛于南

岡者昭二十七年吳使公子掩餘燭庸圍潛楚救潛注楚邑在廬江六縣西面

盍問四年伐楚圍潛者史非魯盟戎處

邾

蔡也紀年梁惠成元年趙成侯偃韓懿侯

若伐我郟者郡國志山陽有郟城京相璠云在山陽西北六十今河東臨汾

充

寰宇記充國故城在闡中西南九十四今

在新井東北二十八又有西充今果州南

充郡治西九十五唐西充縣武德四有西充

山大曆四為充州寰宇記以克充國為名有充氏孟

充虞

常

傳言郟常之境郟國在淮陽常在南陽田

文之封

瑕

水經山棗縣有瑕城詹嘉之故邑山棗故

毫之蒙城璠云解西南五里故瑕城酈云

在故解城東北二十四猗氏故城西北俗

名郟城預云猗氏東南僖三十二故酈視為

孤證成十六楚地昭二十四周地

右雜國下

失之乎數求之乎信疑失之乎勢求之

乎國危權鈞則不能相使勢等則不能

相併治亂齊則不能以相正故小大輕

重少多治亂不可不察此禍福之門也

冠帶之國舟車所至不用象譯狄鞮而通者方三千里古之王者擇天下之中而立國擇國之中而立官擇官之中而立廟天下之地方千里以爲國所以極治任也非不能大也其大不若小其多不若少衆封建非以私賢也所以便勢令威而博義也義博利則無敵無敵者安故嘗觀於上世矣其封建衆者其福長其名彰神農七十世有天下與天下同之也王者之封建也彌近彌大彌遠彌小海上有十里之侯以大使小以重使輕以衆使寡此王者所以家且室也故曰以滕費則勞以鄒魯則逸以宋鄭則倍日而馳以齊楚則舉加綱而巳所用彌大所欲彌易湯無鄆武無岐賢雖十不能成功以湯武之賢而猶藉之乎勢况不及湯武者乎故以大畜小吉以小畜大滅以重使輕從以輕使重凶今欲濟一世安黔首功名著于槃孟銘篆垂乎壺監其勢不厭尊其實不厭多水

用舟陸用車泥用楯沙用鳩山用樛因其勢也因其勢者令行是故位尊而教受威立而姦止此畜人之道也故以萬乘令十乘易以千乘令一家易以一家令一人易嘗識及此雖堯舜不能諸侯非欲臣人而不得已其勢不便則奚以易臣權輕重審小大多封建所以便其勢也王也者勢無敵也勢有敵則王者廢矣故有知小之之愈於大少之賢於多則知無敵矣知無敵則似類嫌疑之道遠矣故先王之法立天子不使諸侯疑焉立諸侯不使大夫疑焉立嫡子不使庶孽疑焉疑生爭爭生亂是故諸侯失位則天下亂大夫無等則朝廷亂妻妾不分則家室亂嫡孽無別則宗族亂彭蒙曰雉兔在野衆皆逐之積兔在市莫有志者尹文子慎子曰一兔走街百人逐之非一兔足爲百人分也繇未定分未定堯且屈力况衆人乎積兔在市過者不顧非不欲兔也分已定分已定雖

鄙不爭故治天下國家者定其分而已
矣熊侶圍宋九月熊招圍宋五月熊當
圍宋十月凡楚三圍宋矣而不能亡非
不可亡也以宋攻楚無時止也故功之
立也賢不肖彊治亂異也齊簡公有臣
曰諸御鞅諫於簡公曰陳成常與宰予
之二臣者甚相憎也臣恐其相攻也相
攻則危上願君之去一人也公曰非若
細人之所議也居無何陳常攻予於庭
卽公于廟公喟焉曰余不用鞅言以至
此也失其數無其勢雖悔無聽鞅也奚
益此不知恃可恃而不恃也

足

國

八



